


曼
叻
亭
後
集

觀齋六十五歲像



馬首城邊明月驛欲亭
外秋山何日一尊相對
論詩消我餘閒

丁巳暮十月兄漁莊寄題

時年七十有二

履齋亭後集卷一

壽陽祁篤藻叔穎

古今體詩五十三首

咸豐甲寅乙卯

甲寅仲冬蒙

恩以大學士致仕恭紀四首

宵旰殷憂未偃兵

虞廷咨傲望平成那堪遲莫供多病重荷

優容許再生

自夏徂秋因病蒙九日疏請開缺復蒙

恩展假三次八月二十

調理至是又

及三月矣陳力亦知羞隕越感

恩惟有涕縱橫

溫綸捧出

天顏霽頓覺陽回草木萌

十一月二十五日再
疏瀝陳得邀 恩旨

大軍南北陣雲屯奏捷何時荅

至尊萬姓輸將惟恐後九州寇盜尙狂奔樓船已出潯陽岸鐵鎖應沈白下門天末孤臣有歸骨一家生死總銜

恩

金陵指日克復臣弟
宿藻骸骨即可歸里

連年師老饜空廩中外芻糧問度支楮幣紛紜窮屢變泉刀錯雜僞逾滋論功欲倚將軍樹決勝會消別墅碁獨媿計臣心力竭焚香清夜已多時

久依

雲日近光華每拜

天章寵錫加老學尙思勤有獲

今年正月 賜臣學古有
獲以勤爲本額書二幅

長閒敢道退無家

蘇軾望湖樓詩五首
上嘗再書賜臣蕭疏秋氣催蒲柳

次第春聲送鼓笳

聖主得賢還獻頌欣聞

綸閣正宣麻

彭詠我司空賦詩見贈次謝二首

直廬近接喜頻年起草晴窗共硯田論事不阿言必盡存
心獨厚古之賢鳴珂尙憶虹橋月揮翰仍分鶴鼎煙領取
瓊瑤珍重意報君惟有說山篇

但媿懸車未及年況逢多難忍歸田消磨歲月終無益際
會風雲自有賢千里長江看洗甲一時高閣想凌煙何期
藥裏繩牀畔頻辱陽春白雪篇

和詠莪司空中秋見懷舊作

對月尚懷人詩成慰采薪感君言外意憐我病餘身
口紛難理孤衷獨抱真試看盈闕處弦望本依旬

嘉平旣望移居城南舊廬

病骨支離久未痊得休終荷

聖恩偏退之賸有城南屋甫也何求杜曲田青鑠夢中驚
晚歲金戈銷後願豐年槐街地僻經過少仍向蓬廬拜

賜賚

十七日蒙恩賜
福壽字各一方

寄輓田雅鄰頌年

今年臘尾煖餞歲方祀寵忽得故鄉書中懷慘以悼田蘇
兩昆季交游有同好何期二十載相繼聞赴告憶昔京兆

喪歸里吾往弔慟哭松風回摧輪阻危嶠阿弟知我悲伴
來復慰勞吾亦佩君德孝友躬履蹈在原能急難處困志
彌劬餬口迫饑驅齊家守嚴教子弟皆恂恂連年入庠校
廣文官獨冷提挈千里造君時任永濟校官每於手札中念君精
力耗素志迄未伸君歸一何暴頓使臥病叟驚起衣顛倒
京兆不可作移華萋孤照君家伯仲間吾淚靡不到人世
定何如韓公悲難料吾衰亦如此敢信能及耄善人必有
後陰德饗其報斯理儻可憑光遠終有耀鬱鬱我之心搖
搖若風纛作詩寄仇猶山雪望中縞

蒲圻六品軍功賀上舍

壽若

雲甫吏部

壽慈

從弟也

募勇殺賊立功甲寅八月爲崇陽守城力戰陣亡冬

杪雲甫始得家書哭之以詩情詞哀摯感歎和之

歲莫讀君憶弟詩長歌當哭一何悲毀家殺賊年方少越

境嬰城力不支遠道音書愁斷絕故園骨肉感流離孔懷

各有傷心賦白下招魂定幾時

謂去年子弟金陵守城事

題九九消寒圖

亭前垂柳珍重待春風九字乃道光初年御製也懋勤殿雙鈎成幅

題曰管城春滿翰林諸臣按日填廓細注陰晴風雪皆以空白成字工緻絕倫每歲相沿遂爲故事

不須梅萼鬥芳妍柳色分明在眼前九字

天題留故事一時風景樂新年管城花發濃如錦香案詩

成豔若仙今日白頭吟望處春光羞上彩豪顛

元旦恭進賀摺

晉忝鸞鸞列今爲鷗鷺僭拜章虛賀歲扶病強寬懷鏡影

落茅屋山呼想玉階何時鉦鼓罷露布埽煙霾

歲朝述懷

宦海茫茫老此生病餘轉覺一身輕回頭四十年來夢喚醒天街爆竹聲

游龍杖

手持三尺游龍杖貽自蕭山相國家龍古嘉名徵爾雅澄懷舊詠播京華

道光年間湯敦甫先生直澄懷園以水菘花根爲杖名曰游龍一時題詠甚多

年祇合鄉居老

余今年六十有三

扶病惟愁藥力賒變化無心學

桃竹何須紫玉問三巴

新得桃竹杖

正月二日

宮中祀

神蒙

恩賞饅一盤恭紀

賜胙深宮獻歲春親藩外服逮樞臣衰庸屢沐

神饅渥

去年孟冬朔日
已蒙賜饅

拜舞如霑

御醴醇典比

重華聯句重

重華宮茶宴聯句向
例於正月二日舉行

恩緣宣室受

釐新桑榆自分難酬荅願祝綏豐

錫庶民

早起

早起非關夢不成披衣靜坐覺心清看營巢鵲忙何事聽

語林烏樂有聲鑪火未殘終夜煖盆花猶戀一冬晴

祈辛明日逢人日遙想青旂出

禁城

新正十日微雪

郊祈

廟享

駕初回雪意霏微氣暗催自是

聖誠能感格故教春澤爲滋培凌晨喜見同雲合嚮午欣

逢舊雨來

許慎生
過訪

更盼飛霏普霑足和風先滌凍塗開

憶昔十首

憶昔年十三患難侍先考圍扉向陽地新綠見春草卽景

命賦詩詩成獻懷抱親顏似少釋小子庶有造悠悠五十年總角突衰老高位速官謗憂心急如擣干戈苦未休精力暗枯槁莽莽太行雲墓田何日埽

西陲戍三載歸路何漫漫北堂理機杼雪夜衣裳單父師有嚴訓母教何忍寬密密手中線拮据力已殫兒名幸早立失怙增悲酸板輿勉就養官貴門閭寒封鮮言在耳一飯思艱難傷心魚菽祭不得勸加餐

弱冠忝通籍出入承明廬

南齋清切地許讀中祕書維時道光元百度貞厥初仰窺堯舜典俯誦禹皋謨回壘重檄定

紫閣標畫圖

小臣

職載筆朝野多歡娛一奉嶺南使觀海

知委輸再持楚南節浩氣凌江湖

江湖浩無邊大海望不極黃河萬里來一瀉入曾臆少年
陟秦隴壯歲馳南北身依日月光衣染雲霞色縹緲仙之
人上清何官職文昌戴斗匡翰林華蓋逼焦明偶回鷄養
此垂天翼碧梧信可栖竹實非求食

游子日以長慈母日以衰豈無四方志戀此烏鳥私上書
乞歸省朝請夕卽馳道光庚寅秋
乞假省親母曰兒勿念吾力尙可

支京國路匪遙祿養亦所資逾年再告歸俯伏陳

丹墀

帝謂汝母健壽可致期頤汝年正及壯廢棄非所宜

壬辰
秋陳

請歸養
溫諭未允感涕起沈疴勿藥由

鴻慈一歲再三遷俾慰將母思求忠必於孝

聖情見乎辭永念

君親恩顧慙蒲柳姿春暉慟已矣報荅終何時

省親昔歸里兒戲娛舞綵讀禮兩還鄉風木不相待除此
數年餘吾生浮宦海曩歲再出山恐有摧輪悔轡軒歷江
左閩越更一載文章與政事報

國將安在惟此葵藿心傾陽終不改願爲

堯階冀曷敢望元愷

鯨魚貪巨餌鼓鬣鴻波驚釁始飲食訟致煩王師征使

臣

還自閩朝議紛崢嶸農部初量移繼復濫樞廷寅恭期共
濟心競非力爭弭患而貽患何以折姦萌國帑二千萬倉

卒填滄溟恨無倚天劍斬此跋浪鯨

島夷蹙羈縻河伯且爲虐豫州及徐方頻歲成巨壑居民
數流離工賑時並作大海卮已漏涓流勢將涸庫金九百
萬又復飽鼠雀此事駭扃見誰能問筭鑰計臣獨躊躇
深宮自儉約踴躍爭輸將田野轉蕭索

先皇躬弗豫太歲在己酉

召對御寢殿

圓明園私殿西曰

奉三無慎德堂

樞臣侍左右仰睇

神堯容憂勤倦則否是時臣奉使乘傳指隴首悚惕不忍
出叩辭伏地久

帝曰汝往哉雪往來及柳豈意

鼎湖雲蒼蒼隔星斗舟載

知遇恩慟哭竟虛負專職思造邈迂直每失口大哉
天地德包容無不有恭聞

憑几命

勲華親授受

奉三無私訓承

先以啟後生逢

聖明世才疏勉自守抱茲區區誠直欲忘衰朽

聖人膺大寶履信濟時艱萬國仰

垂裳感泣

恩詔頒

臣

昔侍東序

道光二十九年春奉命充

上書房總師傅

三天陪清班使旋復

前命流涕瞻

天慈溫恭淵默中氣已振懦頑退迺叩

簪几

龍髯高莫攀銜

恩且趨直焉能戀鄉關

蘭州差竣請假五日過籍省墓已蒙恩允塗次聞國哀遂不果

歸粵寇忽跳梁竄奔五載間師老饋餽罄無術蘇桐瘵驚馬服重駕崎嶇陟崇山病廢亦何恨所恨才力孱何繇致天驥一爲清塵寰

佛堂

正月十四日作

佛堂園東偏三佛同一龕豈惟肅瞻禮

皇恩之所覃前年臣六十拜

賜榮朝簪

御書錫福壽珍綺盈筐函遂出三寶相金身光內含

聖慈何深厚期

臣

爲彭珮

臣

愚一腐儒內典殊未諳爰虛

所居室灑埽奉瞿曇顏曰三菩提藉以朝夕參狂寇久竄
擾王師猶未戢

御園罷游幸此堂亦荒庵扁鏤兩載餘茲乃移城南老病
臥冬春筋力百不堪豈無三乘車駑駘難復駿巍巍

壽皇殿

天容臨蔚藍今日斯何日焚香悲且慙惟見青螺髻西山
明遠嵐

題張雪鴻

致

畫二首

心愛雪鴻畫手無買畫錢松竹不肖爲我蔭芙蓉不肖爲
我妍惟有梅花梢頭四黃雀翩然落我檐瓦前開門卷簾
送畫去鴻爪雪泥定何處

朝送雪鴻畫莫復迎畫歸但令怡我神何惜典我衣老病

朝衣今罷著讀畫吟詩亦不惡昔年黃夫子

左田師晚號退叟

近

日孫尚書

符卿

壁間兩見南泉筆對此評量不如張季

鷹秋風起尚書已老吾衰矣退翁畢竟神仙流不見金陵

烽火接揚州

喜聞官軍克復上海

逋寇頻年窟穴存海旁蜃氣雜朝昏忽逢元日消羣慝如
掃浮雲見曉暎助順何須借回紇乘機已報奪崑崙更期

努力清江甸

九關方懸不次

恩正月朔日克復上海縣城戮逆首劉麗川餘黨殲
擒殆盡上元前一日江蘇撫臣吉爾杭阿報到

幽蘭二首

空山四無人知有幽蘭花花開不可見香氣清且嘉飛流
下危磴時有橫風遮香久亦不聞山深愁路賒衆草何青
青吐豔明朝霞如何咫尺間渺若天一涯援琴坐白石日
莫三歎嗟

亭亭復亭亭孤芳空自馨美人偶一顧移植來中庭中庭
花木繁紅紫羅錦屏一莖止一花何以奉尹邢亦思九畹
滋力薄身伶俜雲窗霧閣中疏弦何泠泠不歎知音希希

聲難爲聽

見蜂

始春氣已煖敝裘換蒙茸今日驚蟄節

正月十日

開簾見蜜

蜂初聞疑耳鳴又如夢餘鐘盆花坐橫几漸有來往蹤須
與塞滿屋鼓翅紛追從此花乃燵花催促無好容況已開
市月香味過殘冬但媿不堪採勞爾蜂力慵不如且歸去
俟彼桃李穠

正月十九日率姪子輩入塾讀書示之以詩

少壯而好學如日出之光年老而好學如秉燭夜行學乃
知不足不學猶面牆試問學何事讀書須自彊孝弟仁之
本忠恕道之常須與弗可離造次不敢忘聖賢以身教闡

發爲文章斯理千古同坦蕩由康莊君子素其位所戒罔
念狂行險者僥幸往往潰厥坊富貴天所命求之未必償
何如求在己守約無奢望繫余入世早艱難躬備嘗高官
與厚祿自顧時悚惶幸因老病休差免賢路妨惟此勤學
心懔懔仍不遑豈不歎逝水豈不憂夕陽憂歎亦何益衰
病且兩傷學乃扶衰藥書乃卻病方衰病尙賴此何況營
力剛今日燕九日車馬填城鄉或云訪仙觀或云踏春陽
而我與汝輩讀書聲琅琅如聞孔壁聲絲竹容升堂此卽
素位行不與時低昂緬懷前哲訓撫時恒旁皇秉燭苦夜
短積善方日長

春夜聞雁

春難成夢酒難醺病久神衰夜起勤書卷每從燈下讀雁
聲偏向月中聞分明對影仍相伴斷續孤飛似失羣二十
年前舊詩句不堪回首思紛紛乙未春里居有聞雁詩時
六弟就館洪洞適遇鄰警

喜聞官軍攻克連鎮生擒逆首林溥詳

畢竟藩王識地形長圍築就奮雷霆漫云狡兔營三窟賊

靜海獨流鎮竄阜城
又竄連鎮一年餘矣終見天狼墮一星保障此心應共白

簡編他日爲誰青便從河北移江左振旅功成贊

帝廷

參贊大臣科爾沁郡王僧格林沁於
正月十九日奏捷即日移師高唐

得陸小雅同年

以炬

書以詩代簡奉謝

此詩率筆通
韵多未愜意

以故人际交往深
至不忍刪去

客從薊門來遺我書一函云是大鴻臚尺素手自緘崢嶸

歲將莫臥病城西南開緘讀君書再拜感且慙上言時事
急念我樞部兼勞怨雖不辭心力固已殫幸蒙

聖明鑒獲免譴責嚴俾令養衰疾遂許抽朝簪從此不材
木雨露

恩長霑下言賃廡居近市亦何嫌春明宜且住不必思深
潛此言實知子廢疾勞鍼砭逆賊未盡殄憤恨心常銜力
不能埽除忍遽栖幽巖憶昔同科侶十存無二三賤子年
最少霜雪盈鬢君以著作才農曹久滯淹直道抒閔議
唯諾非所甘

朝廷擢諫臣風骨標嶢嶢外遷眾所羨惟君心獨恬卿班
遂游陟時望推公廉進旣無援繫退亦奚顧瞻蓮池爽境

地講席迎車檐官退道益尊經訓資窮探人生貴有用晏
佚情詎耽桑梓雖未歸門下羅楸相近聞養氣功淡食屏
酸鹹漱苴日以減粹然神內含嗟予病未能塵網如膠黏
無才補袞職無術拯窮閭永念

君親恩報荅無豪纖與君別一載久不親塵談鄙吝恐日
生靜觀時自參何期奉翰札如對史與監平生直諒友離
索何以堪連鎮捷書來逋寇悉擒殲高唐如破竹官軍當
卽戡海邦翦芽蘖大憝行就芟吳楚道路通南北銷鋒鋷
皇仁被萬物

膏澤蘇黎黔年豐政不苛民氣胥和誠餘生仰

化日負曝依茅檐講堂君暫居竹徑吾舊諳

嘉慶甲戌歲
先君主講蓮

池書 何時再論文尊酒從君拈

讀畫

有客示我畫北苑與河陽河陽秋山貌行旅北苑溪山到
北堂更有輞川風景美長卷臨撫趙千里詩中有畫畫中
詩如聽吟聲繞窗几細看古絹折裂紋董畫差似亦非真
頗嫌郭趙特妍媚粉本雖舊摹則新憶直西清校圖畫僧
繇放悲存唐派宋畫曾披馬遠李伯時劉松年想像曹衣
並吳帶白髮蕭條香案仙而今讀畫落人間雲臺煙閣皆
春夢何況雲煙過眼前

鵲巢

中庭東南隅門左有嘉樹雙鵲來營巢銜枝無朝暮豈無

舊巢在苦被羣鳥妒鬥力既不勝同流亦所惡逝將避汝
去去復回顧遷喬不在遠相望數十步徘徊如有情選
擇亦有故君家地幽僻門少車馬駐列炬夜不驚彈丸晨
不怖樹頭多好枝清蔭行堪護何處無風雨且願依君住
爾鵲何辛勤綢繆向誰訴梁柱覓新棲金鍼感舊句慙媿
老浮家鄉關渺歸路

幼時賦鵲巢詩云自有金鍼作梁柱
不愁陰雨不愁風曾蒙先君獎勵

香山詩集題後

再讀香山集回頭二十年

道光十五年里
居會讀斯集

於今真致仕在

昔甞歸田不是當閒境誰能別樂天置身牛李外琴鶴獨
儵然

微雨遣懷

正月二十七日

茶竈屋北角竹籬緣西廊階東立板壁屋南臥花牆花牆
三尺餘矮樹翳叢篁板壁不及檐聊以界前堂前堂面三
楹左右聯耳房南軒正相對小窗如野航中有一病翁出
入人扶將時聞讀書聲病久聲不揚延客偶軸簾客去茶
餘香春花漸吐萼微雨滋羣芳豈惟應發生亦可蘇羸疴
側聞官軍東早晚收高唐乾坤何浩蕩卽此抵還鄉

文德承

伯仁

萬壑松風圖

五峰妙筆敵王蒙萬壑松濤湧半空鱗甲動搖能作雨笙
鐘鏗鞞不關風扶筇似我尋幽徑看奕何時伴老翁靜對
忽疑昭化院雲深只在此山中

畫境絕類
吾鄉方山

徐侯齋

枋

山水二幀

珊瑚鈎在人難得，藜藿槃空且聽之。澹墨生綃大癡筆，無

端傾倒爲醫師。

贈吳中名醫張默全并序

上沙一室隔塵寰，獨倚喬林面遠山。門外何人屏騎從，過

橋空聽水潺潺。

湯女正公撫吳時兩屏騎從來訪不得一面

相伴

自從賃得城南宅，每歲花如對客開。一自退歸林下住，今年春爲主人來。山桃破曉添新蕾，砌竹禁寒贖舊栽。不是春花憐病叟，可能相伴日徘徊。

夜聽質卿讀唐詩

不能飲酒不能歌，夜坐挑燈柰老何。讀盡唐詩三百首，大都哀怨變風多。

去冬以朝馬贈杜繼園少司空翰今春復以行帳假
之慨然述懷二首

不分曉漏與嚴更趨直衰年代步行曾傍

禁垣陪玉勒每從春苑扈

霓旌據鞍可遂平生志驚駭能忘舊日情好去莫須頻顧
戀相門忠孝有家聲

行帳相依三十年薊門直到柳條邊看他補綴搆持處歷
盡風霜雨雪天投贈媿無新錦段卷舒仍是舊青氍君家
武庫何須此應惜香鑪一縷煙

南齋隨扈旗鑪
向以香鑪爲識

山桃初開贈比鄰曹右之孝廉祺袁尊之榮曾監之

憲會
昆季

君家桃紅我家白春色分明界兩宅紅如灼灼少年人白似蕭蕭衰病客三冬無雪春多風鬢雪成堆不肯融從君乞取生花筆借與斜陽一段紅

紀夢二首

瑤池開瓊筵玉女調鳳管雲霞爲衣裳不寒亦不煖旁有東方生云是歲星精裴裒不敢著著亦不能名上清森祕笈鑲置九層臺欲乞黃金鑰雙龍未許開再拜蓬誠思仙官捧書至跪讀口如箝人間無此字

二月十日夜雨

入春再雨不成寸雨力每爲顛風困今朝雲密風漸衰向夕霏微如散絲夜深不眠傍檐立飄灑已覺衣袖溼須臾

檐滴鏗有聲夢搖鐙影虛窗明斂容孤坐萬籟寂深巷擊
檠聞四更詰朝雨息雲猶漬甌土淺深聊鏟試雖然不及
二寸餘點點無風潛入地生意緜緜中若存匹如病久徐
飲醇露脣濡口且消渴破塊濯枝徒損神

履齋亭後集卷二

壽陽祁雋藻叔穎

古今體詩五十四首 乙卯

聞沈舜卿侍御

魏皆

主講晉陽書院奉寄二首

遠客初聞筆研安春風坐處講堂寬

侍御歸六安十餘年不出頭與弟我皆避

難適晉就其季弟巢生官舍遂應講席之聘

豈知故里新山長曾是

先朝舊諫官金石文章餘感慨關河道路備艱難說經竟

遂撞鐘願已覺階前士氣歡

舜卿說經聲如鐘余題芸館讀書圖舊句也

鴻雁無心爲稻梁干戈未息暫他鄉定因汾水思淮水且

向元方問季方芸館舊遊惟病叟龍門高望有靈光不知

白髮金臺客何日從君更舉觴

貞松慈竹圖爲王子懷侍郎茂蔭題并序

子懷奉其大母方太夫人節孝錄并圖屬題圖爲錢

唐戴侍郎熙所作吾鄉張石州穆曾賦詩紀事未及

書而卒越數歲其嗣子孝瞻發篋得之持還懷翁不

勝喜慰因爲記其顛末咸豐五年四月

侍郎忠直秉天性與我同官夙所敬嘉謨讜論日敷陳退
食蕭然塵滿甌軍興五載籌餼艱君以一心百慮併蒼松
翠竹堅多節中有所得非外競讀君手錄展君畫乃知陰
德有餘慶重闡慈訓出貞孝百尺孫枝聳清勁良由根本
久盤鬱不共羣芳門妍靚此圖傳自大戴筆義取筠心作
詮證張仲亦稱孝友士惜哉賦詩題未竟臧藏幾載復歸

璧光采重新如發鏡得母神靈爲呵護豈獨流傳付歌詠
嗟余弱質等蒲柳瞻仰高風迫衰病願君葆此歲寒姿如
竹之苞如松盛

黃小松題畫竹

乾隆癸丑清和月錢唐劉涪寫竹黃
易錄東坡次子由綠筠堂詩於濟甯

秋影行盦蓋閩墨園
先生巡漕時作也

劉侯寫竹兼寫影黃君題字斜而整不知坡老綠筠堂可
似濟州官舍靜巡漕使者衣繡衣江河無事案牘稀賓朋
列坐足行樂書畫滿船仍載歸我生昭陽赤奮若老病餘
年見此作海內空傳金石文尊前莫問蓬萊閣秋影一盒
天尙寒春風幾日客憑闌留將潦倒蕭疏筆伴我南窗三
兩竿

園丁折花送城中感作

小園半載勞經營仲夏卜居冬還城來時繁英已辭樹去
日落葉寒蟲鳴無端一別費三載孤負園花春似海過客
空將冷眼看破門牘有長鬚在今年花較去年多似引青
袍送玉珂劇憐病叟支離甚其奈芳林爛漫何寒食清明
纔幾日惱人風雨真難必小窗晴日忽眼明蜂蝶追飛繞
檐疾獨有荆花紅壓枝不勝拗折已成絲江南春色傷心
處又是鶯飛草長時

送三兄歸里

兄今年
政七十

人生難得古稀年視聽雖衰志力堅銘帶尙思恭則壽鋤
經還喜老而傳春風遠道來相問它日連牀定有緣此別

不須頻悵望

君恩今已許歸田

和三兄留別二首兼示六姪世敦

同懷餘二老聚首且三旬似有還鄉日仍爲送別人我慙
衰且病君說貴能貧清白家風在蕭然對角巾

炯炯槐窗月分明對影三老懷傾酒後哀思落江南每念
鵲鴿慟方知藜藿甘且將連夜語歸與阿戎談

業師平定張先生

諱觀藜
字芸閣

止一子拱極優貢生孝友

讀書能傳家學前年賊擾平陽晉東告警奉母避難
憂瘁而卒無子伊可傷也感念師門詩以弔之

經師難遇況人師感舊徒存梁木悲曾見文翁能化俗師會

爲四川彰明縣令
何期伯道竟無見讓堂空植忘憂草荆樹還摧

連理枝壽夭窮通更休問從今便欲廢蒼龜

晉東羽檄日紛馳生死相依念母慈清白傳家元自足倉黃避難欲何之遺書莫問康成宅宿草誰刊有道碑白髮門生餘涕淚搔頭吟望苦低垂

寄輓任雲溪孝廉

模雨

我年十五初入泮君年差長甫弱冠我方從師

芸閣夫子

遊晉

陽君與吾師同里閑與我同遊復同處以兄事君交非漫君家績學本庭訓經濟文章一以貫五經紛綸得祕傳羣書卓犖歸柔翰看君壯志凌九霄宜與諸儒侍東觀五十年來老箸書一第蹉跎鬚髮換湛思奧句文品峻彝鼎自

古非俗玩若令庸聽驚妙響何至枯桐付焦爨嗟余登科
辱高位媿乏嘉謀備襄贊而今衰病抱幽憂舊雨凋零獨
悲惋聞君龍蛇夢先兆頗訝鯉魚書久斷練裙葛屐彼何
人落月屋梁同一歎孝標辯命有危論未見西華已扼腕
因君揮涕望師門書帶離披冷帷幔

謂環五
明經

禽言二章

布穀布穀朝不得食莫不得宿朝朝莫莫催春耕耕者願
雨刈願晴今年晴雨不可知朝呼莫喚徒爾爲春風多春
雨少也知守拙不如巧年年催耕令人老
提壺提壺朝醉一壺夕醒百觚一壺之價值千金百觚不
如一壺斟酌多酌少亦何有酒不醉人人醉酒一簞醪一

河水投醪水中水亦美金壘玉斗焉用彼

題吾宗季聞

之鏤

畫梅扇頭

鐵幹抱寒骨無心偶作花作花已多事況肯媚朝霞春深
苦乾熱冰雪忽槎牙非關揮扇力爲爾獨咨嗟

王少鶴

錫振

海王村館詩稿題後

仲宣霸岸篇正長朔風句蕭蕭邊馬心慙慙荒城戍古來
從軍詩大抵由感過時危念鄉井客久惜親故君以悲秋
士平生困行路嬋媛女嬃碁惻愴灘江渡藤峽方用兵樞
垣佐宣募將軍何數奇師律乃多誤韓雍王守不可作桂
嶺軍虛駐豈無繞朝策空有執鞭慕大樹日飄零煙烽莽
迴互痛哭陳陶澤傷心杜陵賦歸來脫征衣緇塵未化素

中禁馳羽檄外府急泉布徒手無斧柯警心有霜露坎壤
纏牢愁艱難述初度蕭條舊雨來散漫蒼苔步聊爲文字
飲豈暇蟲魚注眼中吾老矣高歌迫遲暮君詩根至性特
立絕依附以茲深湛思堪勝盤錯務莫戀越中吟終回薊
北顧

聞大軍攻克馮官屯生擒逆首李開芳河北肅清感
喜交集紀事述懷

前年中州賊乃自臨淮來黃河竟飛越商邱門大開汴梁
扼其衝折而奔覃懷借問追者誰白馬金鞵鞞克齋都統勝保桓
桓老將軍一戰凶鋒摧將軍托明阿都護正年少勇氣猶未墮
維時懷城中守令皆俊才懷慶府余炳燾河內縣裘寶鏞外銳內復堅賊

情懼且猜巖巖沁水軍壁上觀徘徊遙指晉山河驅彼狼
與豺飢鷹飽更颺我軍乃銜枚橫穿汾潞出突向邢洛回
勁旅委風鶴遮城遂煙霾竟窺析木津欲問黃金臺

皇心獨運籌命將興雲雷意在聚而殲毋使流爲災靜海
逮交河獨流鎮屬靜海連鎮屬交河再竄如死灰三竄及高唐馮官屯近高唐

卒擒厥渠魁藩王有節制甘苦士卒偕龜池終奮翼

懋賞誰與儕科爾沁郡王以前後功晉爵親王回思臨清城南寇踵禍胎

急風埽飛擗都護亦壯哉先是援賊自徐州渡河連陷山東州縣直踞臨清克齋都統以

單師破之追至黃河殲戮殆盡恩旨獎賚

聖明鑒功罪天道裁者培江漢波湯湯濟川資巨材疇能

奠南紀我姑酌金壘軍興已五載糗糧化枯骸仰惟

宵旰憂念此鴻鴈哀排雲叫九閭豁達青冥開天弧正南
指風雨平三階

河北肅清臣以前直軍機蒙

恩並予優敘恭紀

軍興五載

聖心勞河北初聞免驛騷

恩禮優隆勵臣節

詔書寬大惜民膏獨慙衰病餘生在猶許榮施一例叨九
拜焚香惟涕淚側身南望正滔滔

張海門編修金鑪以王文恪公臨禊帖卷見示感歎

紀之

秦中溯相業二王爲舉首蒲城繼韓城

紫閣映先後文端似沂國遭逢信非偶正色立樞廷晚節
彌堅守文恪登政府回臺初獲醜勲名亦爛然鄉望傳著
考文端以書名剛健出渾厚文恪嘗稱之謂以心應手而
公自爲書乃獨闢戶牖瘦硬力通神亦非慕歐柳有如君
于交心折非貌取直道期共濟媿與復何有今觀所臨
入法思授受意在鉤畫外落筆不敢苟更讀太史文感喟
到師友史傳不能載孤憤盈萬口直哉史魚節純臣心可
剖海門記公道後學仰前哲嘉謀告

元后夾袋人豈知焚香盟已久及公遺表上

天語示左右始知退藏密不爲名譽誘文節已嬰難

吳甄甫先

生
餘生剩病叟知已恨未酬

國恩竟虛負念茲手蹟在使我腸迴九河嶽終有靈文章
且不朽

喜雨

四月二十一日

驟雨洗斜日孤光淨纖塵照我庭前槐金翠何鮮新軸簾
納涼影鳥語聲相親檐雀紛出入銜蟲不避人物性各有
適病軀亦精神側聞

大高殿躬禱將及晨

一念動冥漠雲雷暗經綸豈惟澤畿輔蕩滌滌周八垠儵然
北窗下已與羲皇鄰

鶴汀光祿

錫齡

饋枇杷子賦謝

嘉果方臨帖筠籃忽到門來疑從海舶夢已落江村秔稻

雲帆遠旌旗水國昏不知申浦宅晚翠幾株存時海運漕艘已達天

津晚翠齋余前在江陰使院題額也

午日早起書懷

近得閒中味端居若有思水花看自坼香篆坐頻移病較

春來減涼乘日上遲流光一檢點四十二年詩頃檢詩草自壬申至

甲寅歲都爲一集

詠莪司空以松風閣詩近刻見示賦答

北窗危坐吟松風晚涼拔我炎燂中長吟未已三歎息猛

虎自飽哀飢鴻崑岡玉碎鳳皇泣誰家鬢婦飛秋蓬知公

籌筆關軍戎退食倚燭心忡忡

虞廷賡歌亦咨傲詩以言志非徒工卷中每及衰病叟憂
患相知意彌厚昨聞河北已肅清江漢風煙重回首何當
一雨洗甲兵更復催詩開笑口

春草吟

并序

感舊作也嘉慶乙丑之歲余年十三侍先君子讀書
比部之北所偶命賦春草詩慈顏有憚越月前事得
白遂蒙寬政迄今追憶感慨繫之矣因以春草名廬

并記以詩

春草復春草感時亦自好春來春去五十年昨日少年今
已老長安久居大不易富貴何須置身早春風吹愁亂如
雲白髮苦吟何日了夢裏無端誦舊詩詩中猶有淚痕垂

明知不是江郎錦拉雜推燒亦可悲

附錄舊作

春草生何地託根古牆隅感時亦自青焉敢怨凋枯皇
天仁萬物日月照不殊百穀方播種念此寸莖孤

送沙鑑塘縣令之官廣東

并序

桑植沙君翊清初名文清余視學湖南選拔士也戊
子科順天舉人選郴州學正茲以長沙守城軍功議
敘知縣選江西長甯縣引見特調廣東廣甯縣航
海之官賦詩送之

衡湘昔奉使杞梓羅衆賢拔萃士惟百於今三十年先後
擢科第中外聲名聯惟楚誠多才濟時心益堅沙侯五溪

秀一第何回遘冷官且論文雄筆能籌邊比年粵西賊江
漢滋蔓延長沙屹居中凶氛莽四躔自非羣策力何繇獨
保全君以守城功銅章已就銓

聖恩特簡調俾宰南海壻海邦方用兵撫字賴賢員梅嶺
道已阻端谿不可沿羽書附賈舶鯨鱷深淵毛義檄徒
喜王陽車徑旋而君決獨往柔道非所牽迢迢五羊城海
與滬瀆連破浪乘長風直可達南天壯哉丈夫志盤錯信
不愆憶昔貢成均園榻爲君懸楊生通視字雅林共消夏雨檻

吟池蓮遂瞻

天漢章恭寫白雲篇青冥屢踰蹙慷慨從戎旃黔西果勇
侯禮致開賓筵每談古將略謂異迂儒孱輪軼虎門一

戰摧其先君時佐帥幕籌策其有焉侯以老病去歸路裳
同褰力辭陸賈金甘守廣文瓊松陽有講席郴嶺無硯田
豈知釣鼈客偶逐飛鳧仙嶺南節制尊號令猶肅然綏江
雖小邑芻牧職所專孰云荀令鳳不及楊公鱸舊雨渺天
末京華依斗躔送君難爲別老淚隨風煙回思離騷國藹
藹蘭與荃桂林勞辛皆中丞胡恕堂方伯望豫章陳竹伯中丞接壤猶比肩
諸君皆時傑桑梓今喧傳行矣樹嘉績萬里銷戈鋌

夏至雨後二首

融風火之始氣若焚柴烈葦棚徑欲拔槐枝橫遭折迅雷
挾驟雨千里驅炎熱晞髮坐前楹心目忽澌澌晨禽鼓溼
翅翮飛力猶劣兒童弄水泡背笠騎竹節雨霽風亦微物

情各怡悅歸耕病未能且用慰衰拙

瓦盆蓄纖鱗水荇飄細蕤駛雨一夜來影溢盆之眉翠蓋
鋪連錢黃華如立錐嗟爾蘋藻質欣欣亦自私朝拔挺孤
秀夕謝莖倒垂屈申若遞代榮瘁能知時籬花豈不豔引
蔓乘高危雖資澍雨力亦復愁風吹

朱澤民

德潤

淵明故實圖爲孔修尚書題

睢陽山水儕王

叔明

黃子久

書與松雪相頡頏我昨初見

歎神妙厓深樹古谿橋長題日至正甲辰作人書俱老風

骨蒼

余所藏澤民山水蓋晚年筆

此圖更摹龍眠筆人物瀟灑真柴桑

細看跋尾紀年月想見運腕尤精強

梅鼎跋云癸未春仲則此圖乃五十以前

作標題故實綴細字字字鶉躍鋒中藏若非小印認朱氏

幾以真本爲子昂畦徑雖同意趣別詎假古目矜縹緗先

生閉門三十載一官歸老純鱸鄉肯向鷗波丐餘潤祇宜

菊徑存孤芳當時江州兩刺史

王宏禮道濟

先後倒屣來相望

我醉欲眠君且去酒錢不問他人償高風千載接几席妙

墨雙絕珍珠瑯花甄侍史惜手澤

陸紹跋

銅鼎仙人誇眼光

雲東逸史

君從何處得此本古紙深透芝泥香借觀三日

互參校久臥頓起蘇羸延但聞颯颯北窗下雨餘檐滴風

生涼

金山唱和詩卷題後

河間苗先路夔平定張石州瀛

浦李戟門宗榮乾州張希園家寶余與幼章

六弟凡七人今存者苗君及余兩人而已

自從江上使槎還夢裏分明錦翠斑衰病不堪回首望煙

波愁絕是金山

卷中主客幾人存猶記高歌對酒尊何處青山聞夜雨雁聲驚斷陣雲屯

和三兄寄懷卽送五姪世佶還里

壯年曾許賦都京奉使嘗爲萬里行豈謂迂疏迫衰病敢云進退本分明老來兄弟難爲別後起兒孫望有成得語阿咸將我意好憑詩酒送餘生

和三兄村居夏日卽事

久旱如焚一雨秋城居湫隘里居幽無爭那用看棊局不餌何須理釣鉤耳目屏除惟取靜詩書吟詠便銷愁干戈滿眼身衰疾難得人生到白頭

寄大姪世奔晉陽和三兄韻

六十功名一敝裘，讀書而外更何求。
卻憐客授仍無地，猶爲兒輩作遠遊。
對影應知明月共，還家偶似片雲留。
殘年叔姪偏多感，回首青燈老屋秋。

天台藤杖歌

三兄以六弟舊寄藤杖分貽一枝感歎成篇

天台藤杖四尺長，吾弟昔得之武昌。
靈根萬年出華頂，天台

山志萬年藤出華頂可爲杖

雙莖遠寄來漁莊，漁莊老人閉目坐得此。

健步遊於鄉場，來千里走京國。憐我久病須扶，將貽以赤

玉堅多節，呼爲直兄，名適當。

清異錄廬山北邱海光名竹杖曰直兄

嗚呼吾

弟在何方，金陵烽火連。維揚幾年斷我鴻，鴈行魂兮歸來

渺無路，安得擲杖爲橋梁。婆娑兩翁傷塊獨，手把靈藤抵

簞卜細看杖頭刻鏤文白鹿煙雲接神蝠

杖刻鹿蝠狀吾鄉有白鹿山方

山古名神蝠

李明柏碩那可見

見朱竹垞萬年藤杖歌

拄頰仙山想飛瀑

驟雨

五月二十八日

天低雲四垂屋淺坐頻移密洗階除淨高翻燕雀危明知
不終日且幸得閒時久病諳晴雨新涼較可支

生日感懷二首

六月四日

往者懸弧日常依待漏天在家仍早起多病遂經年歲月
崢嶸裏雲山縹緲邊向來論老壯曾羨馬文淵

不意艱難際聊爲澹蕩人病憐交舊盡閒覺簡編親老僕
移花熟新詩削草頻豈無鄉國在側望轉霑巾

牽牛花

宛宛牽牛花開及夏末朝榮午先瘁似畏日光奪昔余
直園廬籬蔓礙眉額拈毫曉多暇亂翠眼如潑自從治軍
書漏箭催燭跋不見此花開一十三裘葛老病臥城隅荒
徑重披豁呼僮潒灌溉繞砌紛芽枿連朝秋色來生氣不
可遏自非嬾眠客孰與慰飢渴鈴口若相笑交情何契濶
舊雨滿青苔無人爲采掇

大姪寄詩述近狀愴然次答二首

前年辛苦賊中歸

屯留訓導選升黃州縣丞因病還里甫出城賊已竄至縣境

骨肉凋

傷故舊稀

姪長女極聰慧及笄而夭

千里遠來因我病

去冬來涼省視

一官罷

後更誰依憂時共翦中宵燭告別難謀卒歲衣不用雍門
琴再撫孟嘗流涕早增欷

病葉空看萬木春，相期歲晚保精神。無方求藥能醫老，有子傳家不患貧。江漢未銷兵甲氣，薜蘿應惜宦游身。楚弓塞馬經多少，得失從來各有因。

蔣霞舫給事

達

以其尊人念亭先生蜀闈遺翰並姚

石甫所記事蹟見示感歎奉題

姚石甫瑩康輔行草載嘉慶年間西藏糧

務知縣蔣公諱作梅苑獄事甚詳

今我忽不樂，展書忘夕飡。一冊數千字，中有忠烈魂。蔣侯存手澤，慘澹青藍痕。蜀闈昔分校，文章勤討論。家藏五十載，斷紙珍瑤琨。給諫示我讀，流涕聲復吞。更觀姚君記，老淚不可捫。上言前藏事，奇冤陷覆盆。中言制府公飛章，叫帝闈，但蒙

日月照骸骨終銜

恩下言遺愛民纍石高崑崙蕃漢爭廟祀歲時肅駿奔此
事萬口傳公道昭乾坤姚君濡大筆信有神明存神明無
不在遺翰粹且溫早邀朱衣鑒豈識獄吏尊雪山萬里白
金沙流不渾君今抱沈慟世已高其門讀書念先訓守道
貽後昆諒哉夏侯言陰德及子孫

月下聞笛

萬里長風宿雨收碧空如水夜如秋無端又灑天涯淚不
是傷心爲白頭

蕭條久戍太行兵聞道年來有踐更愁殺江城樓上客梅
花三落總無情

孔繡山舍人

憲彝

署所居曰韓齋索書昌黎文詩因

爲書平淮西碑文秋懷詩以應之

中翰聲名久文章軼等儕研經傳孔宅學道守韓齋北海
尊常滿西山雨正佳鳳池揮草暇時復寫秋懷

閒庭

閒庭暑氣清曉雨放新晴窗竹抽添節盆花落有聲老懷
宜獨步秋意入三庚始信幽居好因之悟養生

舜卿侍御自晉陽書院寄詩相問次韵奉荅二首

書到憐君歸思切詩成觸我客懷多據鞍顧盼非無意攬
鏡躊躇奈老何

三世芝蘭同臭味

令弟質齋壬午會試忝與房薦出宰長
子舍姪世弁適爲校官今姪孫友觀又

侍講

一編金石足平生

君博考金石於王氏萃編外得千二百種入晉半載又得五十餘種

著續金石編

著書爲報潛郎老老去猶堪秉燭行

次韵再寄舜卿

縹緲家山壽水陽
夢中雲隔路羊腸
不知燕趙離懷遠
可抵江淮別恨長
對酒似聞彈劍鉞
登仙猶記詠霓裳
分明一樣并州月
孰是他鄉是故鄉

生壙詩答三兄

邠卿老著書曾自爲
壽藏圖畫古賢人
賓主儼相向如何
憂患餘名心仍未忘
纔從複壁出又墮有生障
嗟余獨何人
久已齋得喪年來衰病侵
骨肉暗悽愴交舊半爲鬼
烽煙莽飄蕩孰爲馬革裹
孰付江魚葬餘生
叨

國恩始願不敢望倦鳥孤雲外青天倚疊嶂纍纍復何爲
令我心惆悵老兄遺尺書其言悲且壯吾願與爾鄰生死
兩依傍穴處亦相近歸來幸無恙生當醉其中杯酒傾家
醴歿則臥其下對牀抵酬唱趙叟未爲愚阮公母乃放且
作松風吟還心寄幽曠

栽花二首

劔土編籬爲底忙栽花也爲惜年光花開付與鄰人看紅
白幾枝高出牆

日及花兼月月紅看從初夏到秋風思量舊句還堪笑開
落都忘一念中

余爲翰林日試差應制賦落花水面皆
文章詩有淺深心不競開落意都忘之句

錢金粟前
輩頗賞之

立秋日晚坐

風雨夜來急先秋氣已涼
遠禽赴暝色孤樹得斜陽
卻病閒方覺披書老易忘
階螢還自照似爲惜流光

詠陳蕃懸榻事

名高性峻少通方賓客何由接
末光千古清風惟一榻樂

安懸後又南昌

仲舉懸榻事兩載後漢書一爲周璆一則徐穉蓋蕃先爲樂安太守後爲豫章太守

也見陳蕃徐穉二傳

弄孫

弱孫四男女竟日笑喧譁
仰案問書字

孫男彭年

扶牀拾痘花

大孫女思飴二孫女增年

新雛知就乳

二孫女端年

小語學呼耶聊用慰遲

莫春暉滿一家